



UNIVERSITÄTS-  
BIBLIOTHEK  
PADERBORN

**In Vaticinia Isaiae, Prophetæ Clarissimi, Paraphrasis,  
Heroico carmine conscripta**

**Carpenteius, Joannes**

**Antverpiæ, 1588**

Cap. 63.

---

[urn:nbn:de:hbz:466:1-68688](https://nbn-resolving.org/urn:nbn:de:hbz:466:1-68688)



Nulli concessum est hominum, nullique deorum:

"Felices, quos ille operum vitæq; seuerus  
Exactor, sanctis adscribet, & esse iubebit  
Sponte sua mortisque suæ mercede redemptos.

Cap. 63.

Tum tu, sancta parens, populus comitata trecentis,  
Iam non deserta, vidua-ve merebere nomen;  
Nam te omnes matrem populi gentisque vocabunt,  
Urbes altricem, diuique hominesque parentem:  
Ergo te fama illustrem factisque futuram  
Scito, sed ante manent multoque cruore gerenda  
Bella super, domitioque noui serpente triumphi.

Sed quis Idumæis ille est qui montibus exit,  
Suspectasque acies Bosra Moabride ducit?  
Punicea insignis galea, thorace rubente?  
Ut sese egregius formosum ostendit in armis!  
Ut graditur superatque alios, quantum instar in ipso!  
Diuinum ut toto decus, ore & pectore præfert!

O nata, o virgo semper placitura Tonanti,  
Diuæ Sion, spes ingentes agnosce tuorum,  
Ille ego sum, cui præca fides, cui reddita terris  
Iustitia & pietas debentur, auitaque sacra;  
Ille ego sola salus, propugnatorque meorum,  
Non impune cui sese ferat obuius hostis;  
Seu pedes insistat, seu conspiciendus in orbem  
Pugnet eques: Sed cur sparso vndiq; sanguine tinctus  
Veste rubes, veluti calcatis vinitor vuis?

Heu mihi, palla tuo an alieno tincta cruore est?

Certè ego calcaui solus, nec falleris, vuas,  
Nec fuit auxilio quisquam de gente deorum,  
Sive hominum; solus vitem mihi, solus acuta  
Excidi falce, & prælo spumante subegi.  
Non tamen iste latex nostro de vulnere manat:  
Sanguis ab hoste fluit, quem, iusta motus ab ira,  
Contriui, rubet hinc multo mihi palla cruore  
Thoraxque, clypeusque, & cætera vindicis arma:  
Vindictam sed enim ulterius pœnamq; morari  
Non potui; status ecce dies, annusque reposcunt  
Ultorem, quem dum celo, terraque mariq;  
Querito, dum circum me sedulus omnia lustrō,  
Si quis opem, si quis laturus forte veniret  
Auxilium, fugere omnes, deque agmine tanto  
Nemo fuit tanti consors-ve comês-ve laboris.

Ergo solus opus tam sanctum aggressus, ab ipso

k

Me,

12 Et vocabunt eos  
Populus sanctus, re-  
dempti à Domino.  
Tu autem vocaberis,  
Quæsitæ ciuitas, &  
non Derelicta.

Cap. 63.

1 Quis est iste qui ve-  
nit de Edom, tinctis  
vestibus de Bosra, iste  
formosus in stola sua,  
gradiens in multitu-  
dine fortitudinis sue?  
Ego qui loquor iusti-  
tiam, & propugnator  
sum ad saluandum.

2 Quare ergo rubrū  
est indumentum tuū,  
& vestimenta tua si-  
cut calcæium in tor-  
culari?

3 Torcular calcaui so-  
lus, & de Gentibus nō  
est vir mecum: calca-  
ui eos in furore meo,  
& conculcaui eos in  
ira mea: & aspersus  
est sanguis eorum su-  
per vestimenta mea,  
& omnia indumenta  
mea inquinavi.

4 Dies enim ultionis  
in corde meo, annus  
retributionis meæ  
venit.

5 Circumspexi, & nō  
erat auxiliator: quæ-  
siui, & non fuit qui  
adiunaret: & saluauit  
mihi brachiū meum,  
& indignatio mea ip-  
sa auxiliata est mihi.

6 Et conculcaui po-  
pulos in furore meo,  
& inebriaui eos in  
indignatione mea, &  
detraxi in terram vir-  
tutem eorum.

Cyrillus hic  
Christi redi-  
tum in caelos  
depingi exi-  
stimat.  
Edom est re-  
gio in qua E-  
sauregnauit,  
quam Græci  
Idumæam vo-  
cant.  
Bosra verò ci-  
uitas est in  
Moab, Heclō-  
ca exponit di-  
uus Hierony-  
pro mundo.

Hæc sunt a-  
gentis Christi  
nō patientis,  
qui aduer-  
sitas contriuit  
potestates.

Idē psalmo-  
graphus Psal.  
63.



Me, notaque mea dextra virtute, furoréque  
 Haud frustra coniuncto, arma auxiliaria sumsi,  
 Aduersósque mihi populos, inimicáque fœda  
 Castra fuga, flammis, ferróque vltiore cecidi,  
 Iratúsque omnes in noxia crimina pœnas  
 Consumsi, manésque potestátisque subegi  
 Tartareas, lethúmque meo sub numine preffi.

7 Miserationum Domini recordabor, laudem Domini super omnibus quæ reddidit nobis Dominus, & super multitudinē bonorum domui Israël, quæ largitus est eis secundum indulgentiam suam, & secundum multitudinem misericordiarū suarum.

8 Et dixit, Verumtamen populus meus est, filij non negantes: & factus est eis saluator.

9 In omni tribulatione eorum non est tribulatus, & angelus faciei eius saluauit eos: in dilectione sua, & in indulgentia sua ipse redemit eos, & portauit eos, & eleuauit eos cunctis diebus sculi.

10 Ipsi autem ad iracundiam prouocauerunt, & afflixerūt spiritum sancti eius: & conuersus est eis in inimicum, & ipse debellauit eos.

11 Et recordatus est dierum seculi Moyfi & populi sui: Vbi est qui eduxit eos de mari cū pastoribus gregis sui? vbi est qui posuit in medio eius spiritum sancti sui?

7 Quare nulla meo de pectore deleat etas  
 Clementem Dominum, iustique æquique potentem:  
 Illum ego carminibus patriis, dum vita manebit,  
 Factaque mira canam, priscis quæ plurima sacris,  
 Quæq; etiam nuper nostris patrauit in annis,  
 Non solum Isacidum domui bonus, at sub vitroque  
 Gentibus axe sitis, toti que salutifer orbi.

Non qui sint, aut vnde domo patriâ-ve profecti,  
 Disquiri, positú-ve loci, genio-ve mouetur,  
 Sed communis amor mundi tutelâque passim  
 Effundit terras largus sua dona per omnes.  
 Largior ille tamen populis sua signa secutis,  
 Quos amat, & verbis inuitat talibus vrgens:

8 Vos mihi, vos (inquit) populus lectissimus estis,  
 Legitiméque meus, nec enim meus esse, negari  
 Dignus es, vt qui me non ipse negaueris vnquam.  
 Abs me igitur scito tibi, non aliunde, salutem  
 Sperandam: quæ te circumstant quæque pericla,  
 Respice me, precibúque voca, non irritus ibis:

9 Nam quibus afficeris damnis, ego tangor isdem;  
 Vsq; adeò me cura tui noctésque diésque  
 Sollicitat, fixos vt nusquam auertere possim  
 In te oculos, sempérque tibi puer aliger astet  
 Obseruare tuam demissus ab æthere vitam.

10 O Amor ardescens semper, sempérque renascens!  
 O nunquam satis indulgentia nota parentis  
 Aetherei! qui mox rudibus nascentis ab ani  
 Principiis, genus humanum, sua semina, blandè  
 Fouit, & vt nutrix patriis portauit in vlnis,  
 10 Dum præturo præcox adolesceret æuo,  
 Obsequiúmque Dei, verúmque parentis amorem  
 Exueret: mota est offensi numinis ira,  
 Lenta licet, ferróque malum flammis que piavit  
 Flagitium; nunquam tamen vltima pœna secuta est;  
 11 Namque manum ad capulū referētem sepe repreffit,  
 Temporis admonitus prisci, memori que recursans

Qui me confitebitur coram hominibus, & ego confitebor eum coram Patre meo.

Dux



Dux animo Moses, & gratia facta per illum  
 Non semel Isacidum populis: quæ nunc quoque prosunt  
 O pater, ô hominum superumque æterna potestas,  
 Hæc eadem nobis, si nondum exosus ad unum  
 Hebræos, si quid pietas antiqua labores  
 Respicit humanos: nam quò tibi cura recessit  
 Tam subito nostri? cur tam mutatus ab illo  
 Qui patres nostros, patrùmque duces nostrorum  
 Seruasti traiecta maris per littora rubri?

O ubi, ô ubi es, qua te regione requiram  
 Spiritus alme, aximi fax præclarissima nostri?

12 Te duce, pèrque agmen medium, mediâsque cateruas  
 Calitus effuso, fluctus tremuère profundi,  
 Et profugis scissas patuit via sicca per undas.  
 Ipse autem ductor patriâq; sibi que perenne  
 Perpetuumq; tulit nomen, quòd præside fretus  
 Maestate tua, Pharias euaserit oras,

13 Pèrque profunda maris, montanâque saxa, per astris  
 Finitimas rupes, per tot discrimina rerum,  
 Primus inoffensum tuto pede duxerit agmen;

14 Tam facile emensus spatia infinita, viâsque  
 Difficiles & inaccessas, quàm ceruus apertum  
 Aut sonipes cursu præteruolat alite campum.

Scilicet ista tui debentur maxime diuûm  
 Numinis auspiciis, nec erit sine nomine factum hoc  
 Per gentes, sed enim cunctis memorabile terris  
 Gloria præpetibus super æthera deuehet alis.

15 Ergo age siderea cæli sublimis ab arce,  
 Quoque sedes solio terris metuendus & astris  
 Respice res nostras. En unquam seruidus ille,  
 Ille reuiniſcet quo nostros impetus olim  
 Tutabare patres? ubi sunt tua viscera, plebis  
 Afflicta toties mæstus commota querelis?

Quàm cito, quàm nulla obriguerunt saxeâ causa!  
 16 Te tamen & nostrum nec re nec nomine falso  
 Dicimus esse Patrem, seruatorémque benignum:

Nam nec in Abramo, nec in Israëlè paternos  
 Fas est affectus patriûm ve agnoscere nomen,  
 Scilicet id curant iam pridem corpore functi:

17 Cur igitur nos calle finis diuertere recto?  
 Spemque, piûmque tui de mente fugare timorem?  
 Flecte, Pater, vultum, letâmq; exporrige frontem,  
 Et nos diuina si verum est stirpe creatos,

12 Qui eduxit ad dexteram Moysen brachio maiestatis suæ: qui scidit aquas ante eos, vt faceret sibi nomen sempiternum.

13 Qui eduxit eos per abyssos, quasi equum in deserto non impingentem.

14 Quasi animal in campo descendens, spiritus Domini ductor eius fuit: sic adduxisti populum tuum, vt faceres tibi nomen gloria.

15 Attende de cælo, & vide de habitaculo sancto tuo & gloria tua: ubi est zelus tuus, & fortitudo tua, multitudo viscerum tuorum, & miserationum tuarum? super me continuerunt se.

16 Tu enim pater noster, & Abraham nesciuit nos, & Israël ignorauit nos: tu Domine pater noster, redemptor noster, à seculo nomen tuum.

17 Quare errare nos fecisti Domine de viis tuis: indurasti cor nostrum, ne tueremur te? conuertere propter seruos tuos, tribus hæreditatis tuæ.

Oratio Prophetæ.

Ille zelus intelligitur de quo Zacharias cap primo: Zelatus est Dominus Sion & Hierusalem zelo magno.



Ede notam tanti generis, da pignora, per qua  
Et dici & credi tua vera propago queamus,  
Atque hunc tandem animis errorem detrahe nostris.

Nam genus & proavos quid vana voce ciere  
Profuerit, si nos crudeli barbarus hostis  
Seruitio oppressos tenet, eternumque tenebit,  
Ni redimis, ni vincla leuas, soluisque catenas?

18 Quasi nihilum  
possederunt populum  
sanctum tuum: hostes  
nostri conculcauerunt  
sanctificationem tuam.  
19 Facti sumus quasi  
in principio, cum non  
dominaberis nostri,  
neque inuocaretur no-  
men tuum super nos.

18 En trahimur, rapimur, vanudamur, opprimimurque,  
Ut pecudes; & ferre potes? nec quod tua saltem  
Sacrilegas in templa manus misere, moueris?

19 Et quid adhuc reliqui est, (tu dicta sinistra refuta)  
Quam res in peius sublapsa feratur eodem  
Quo fuit ante loco, cum mixtos gentibus alta  
In nocte & tenebris, sine luce & numinis alma  
Cognitione tui, nec te Regemque, Deumque,  
Ut nunc, sortitos fanaticus error habebat?

### Cap. 64.

1 Vinam dirumpere  
celos, & descendere:  
a facie tua motes  
defluerent.

2 Sicut exustio ignis  
tabescerent, aquae ar-  
derent igni, ut notum  
fieret nomen tuum ini-  
micis tuis: a facie tua  
gentes turbarentur.

3 Cum feceris mira-  
bilia, non sustinebi-  
mus: descendisti, & a  
facie tua montes de-  
fluxerunt.

Ergo rumpe moras, celsosque allabere celo,  
Lux hominum, emerge o tandem, quid tarda moraris?

Posceris: ecquando nitido patefactus ab ortu  
Cardo foris que poli per aperta repagula mota  
Te nostrum sidus, mundo letabile sidus,

Effundent? clarum fax haec dabit ignea lumen,  
Quo tacti montes, & quaeque altissima tellus,  
Corripient flammam, nigrumque ambusta repente  
Soluent se in cinerem, siccis quoque fontibus amnes

Ardebunt, frustra que suis incendia ripis  
Arcebunt, mediis in aquis (mirabile visu)  
Flamma furens, victorque volans bacchabitur ignis.

Attonitas gentes facti nouitate, stuporque  
Et timor, & terror dubia spe mixtus habebit,  
Ut quisque hostis erit, vel foedere iunctus amico,  
Motibus affectos diuersis, omnibus autem

Ille tui fulgor, & gloria nominis ardens  
Perstringet turbatam aciem: nam semine nullus  
Editus humano penitus tua facta latentisque  
Expediet causas, aut consilia alta recludet.

Sed quid ego haec seclis velut expectanda futuris

Vaticinor? voluenda dies en attulit vltro  
Quod petimus, dudumque atani petiere priores.

Venisti, venisti, ades o dulcissime rerum,  
Descensusque leui supera statione relicta,  
Per iuga verticibus gradiens sidentia lapsis,  
Mortales terras, & regna humana subiisti.

### Cap. 64.

Orat & vehe-  
menter cupit  
iam nasci Mes-  
siam, & bene-  
ficia olim pro-  
missa citissi-  
me praestari.

Mirabilis po-  
tentia Christi  
in possidendis,  
afficiendis, &  
transmutandis  
hominum ani-  
mis; qui per  
motus super-  
bi, per aquas  
frigidi, & im-  
piedade langu-  
idi, significan-  
tur.

Salue